



Broj: 03-16-8-1463-7/16
Sarajevo, 8.12.2016.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1463-6/16, od 6.12.2016. u postupku nabavke namještaja za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1463-6/16, od 6.12.2016. i Ugovor o nabavci namještaja za potrebe Parlamentarne skupštine BiH dodjeljuje se ponuđaču Hafele BH d.o.o., Miričina bb, 75 329 Gračanica, čija ukupna cijena ponude za predmetnu nabavku s montažom iznosi 10.394,00 KM bez PDV-a odnosno 12.160,98 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.8. Tenderske dokumentacije za konkurentski zahtjev za dostavu ponuda za nabavku namještaja za potrebe Parlamentarne skupštine Bosne i Hercegovine, broj: 03-16-8-1463-3/16, od 23.11.2016.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Ugovora dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnijeg ponuđača pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupu javne nabavke, shodno članu 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka javne nabavke namještaja za potrebe Parlamentarne skupštine Bosne i Hercegovine, broj: 03-16-8-1463/16, od 18.5.2016. i broj: 03-16-8-1463a/16, od 30.8.2016. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke iznosila je 13.740,00 KM sa uračunatim PDV-om. Obavještenje o nabavci broj: 166-7-1-43-3-29/16

objavljeno je dana 23.11.2016. na Portalu javnih nabavki, a istovremeno je Poziv za preuzimanje tenderske dokumentacije sa Portala javnih nabavki, broj: 03-16-8-1463-3a/16, od 23.11.2016. upućen i na adrese tri ponuđača i to:

- Kraning d.o.o., Sarajevska 1A, 75 305 Lukavac Puračići,
- Burotime SBC d.o.o., Kolodvorska 12, 71 000 Sarajevo i
- Ambyenta d.o.o. Poslovni centar 96, 72 250 Vitez.

Tendersku dokumentaciju sa Portala javnih nabavki preuzelo je ukupno 18 ponuđača. Komisija za nabavke imenovana je Odlukom Kolegija Sekretarijata, broj: 03-16-8-1452/16, od 18.5.2016. Do termina zakazanog za predaju ponuda odnosno do 5.12.2016. do 12,00 sati za ovu nabavku pristigle su tri ponude i to:

Redni broj zaprimanja ponuda	Naziv i sjedište ponuđača
1.	KRANING d.o.o., Sarajevska 1/A, 75 305 Puračić
2.	R&S d.o.o. Sarajevo, Igmanska bb, 71 320 Vogošća
3.	HAFELE BH d.o.o., Miričina, 75 329 Gračanica

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1463-4/16, od 5.12.2016, Zapisnik o otvaranju ponuda od 5.12.2016. i Zapisnik o pregledu i ocjeni ponuda, broj: 03-16-8-1463-6/16, od 6.12.2016., sa preporukom o izboru najpovoljnijeg ponuđača. Zapisnikom je konstatovano da ponuda ponuđača R&S d.o.o. Sarajevo nije prihvatljiva za ugovorni organ jer ponuđene vrste namještaja u potpunosti ne ispunjavaju zahtijevane tehničke karakteristike iz tenderske dokumentacije-Aneksa 2. Obrazac za cijenu ponude, definisane u okviru uslova/dokaza za tehničku i profesionalnu sposobnosti ponuđača iz člana 49. Zakona o javnim nabavkama, na način kako je detaljno opisano u zapisničkom analitičkom tabelarnom prikazu.

Zapisnikom je konstatovano da su ostale dvije ponude ponuđača Hafele BH d.o.o. Gračanica i Kraning d.o.o. Puračić prihvatljive za ugovorni organ, jer ispunjavaju sve formalno pravne i tehničke/profesionalne uslove, odnosno zahtjeve ugovornog organa definisane tenderskom dokumentacijom, a po izvršenom vrednovanju i rangiranju prihvatljivih ponuda shodno utvrđenom kriteriju „najniža cijena“ uz primjenu preferencijalnog faktora od 15% na ponudu ponuđača Hafele BH d.o.o. Gračanica isključivo u svrhu poređenja ponuda, tabelarni pregled-rang lista prihvatljivih ponuda je sljedeća:

Ponuđač	Ukupna cijena ponude za predmetnu nabavku s montažom i PDV-om	Primjena preferencijalnog tretmana	Rang
Hafele BH d.o.o. Gračanica	12.160,98 KM - 15% = 10.336,83 KM	da	1 (prvi)
Kraning d.o.o. Puračić	11.696,49 KM	ne	2 (drugi)

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1463-6/16, od 6.12.2016. u prilogu), da u postupku nabavke namještaja za potrebe Parlamentarne skupštine BiH, donese Odluku o izboru najpovoljnijeg ponuđača za Hafele BH d.o.o. Gračanica, čija ukupna cijena ponude za predmetnu nabavku s montažom iznosi 10.394,00 KM bez PDV-a odnosno 12.160,98 KM (slovima: dvanaest hiljadastotinušesdeset i 98/100 konvertibilnih maraka) sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača Hafele

BH d.o.o. Gračanica izabere za realizaciju Javne nabavke namještaja za potrebe Parlamentarne skupštine Bosne i Hercegovine, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- HAFELE BH d.o.o., Miričina bb, 75 329 Gračanica
- KRANING d.o.o., Sarajevska 1/A, 75 305 Puračić, Lukavac
- R&S d.o.o. Sarajevo, Igmanska bb, 71 320 Vogošća
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____